

TUAÑRÁ

ZARÁ LARÁI LOOT FAIYÓ





Laráir tojruba ar abar baná (toiyarigora)

Tuañrá beggún zara becí duk ar taajuippa musibot faiyó, hiíné tuañraré dhooilla bodhooilla hísábé zalaibó. Hondila hondila ar ki ki ulda asór óibó hiín ekzonloi ekzon forók óibó. Kessú manúiccottú ulda asór toraturi goré ar kessúttú boút bosór bade óo. Kessúttú ulda asór asté asté homizai, lékín ar hodúnóttú ulda asór boút din tákízái. Boc ar zindigir loi ulda asóróllói taluk asé. Mesál, fuaindé ulda asórrózzoria ziin goré hiín boro manúicor doillá nóo.

Ulda asór noo goraá niyom nóo!

Tuñi tuañr nizer noóile góror oinno manúicór ulda asór ar duk faibade óiye hiínlói ocánti?

Ecé tuñi asólé hondhooilla hondooilla goríba ar óibó hiínór baabote fúníba. Hiínóttú kessú buzilé ar hiín aámdé hiíyan zanilé, muúmmikka tuañllá modot óibó.

Oinno manúicóllá ekkudhoilla haalotot kiloi modot óiyé hiínór baabote añará kessú mocuwaraió diyum.

Manúic hondhooilla hondhooilla lorasor goré

Añrá manúic ókkól acanok kessú óonor bade boút dhooilla bodhooilla lorasora gorí. Kessú manúic kessú nogoré lékín kessú manúic becí dhoóñr kessú goré. Kessú maincór nazor bütóré dhoóñr mockil ar ocántí lukai raké. Dhoóñr ocántí, buzí nofaré ar háalótóré oinno dhooilla buzá normal ziníc, taajuippa musibot óaar bade. Boút thaimot nizám ar cántí oití mockil óo. Aagé óiyedé mamla ókkól ar fothú ókkól kíyálót bar bár aiyé. Ze mosibot ókkól óiyé hiínor bade gúmzai nofará ar hóráf kúab deká óniyom noó.

Taajuippa dorór mamla oói boút dín badéó boút dhooilla bodhooilla zagaat asór foríbó. Maincór uore asór ekzon loi ekzon forók. Haás gorí zará becí zulúm faiyé ar bar bár zulúm faiyé tará. Óiyedé hiín itarár cinta, báfá, ki goríbó, ar tarár háalot oinno zonloi taaluk hoñdoilla óibó hiínóré asór goríbó.



lín hodúñ fottidin ódé aám ulda lorasora ze manúic mockil haálotottú accíl.

Mockil yad ókkól ferecani goráat také

Ferecanir yad ókkól wapes aitfaré kellá tuñi nize aage óiye dé hiín deké ar monot goró. Báfá sinta, fothú, abas, kúcbú ar bac noóilé tuañr gaat ziín óiyé hiín abar masús goríábá. lín acanok tuñi honó sinta no goillé óo ait faré. E sinta iín nize nize aái zaigót faré, lékín kaanun mozin honó ekkán wojá tákón saa. Ze zagaat musibot óiye, jiníc fóttóro, manúic, bas noóilé abas ókkólór yad gorázzoria óita faré. Kessú jiníc tuañr nizor gaar bútoré taait faré. Tuñi maásúsgoró, noóilé tuñi aagor dukkór hotá yad goillé óit faré. Oinno mainccór fúñatí táká óo yad gorái dé, has gorí fúñati táká nizor mosibot ar dukkór hotá zodi yad gorái dé.

Kessú manúicolla dukkór yad dinot ze honó thaimot ait faré, lékín ar kessú maincottú dukkór yad raitta kúabót ait faré. Dunúwan becí ferecani ar hórán gorí félé.

Endilla dukkór mamalattú basibollá

Tuñi nize óo endilla dukkór sintattú basitó kucíc goríábá. Óit faré dé tuñi sinta nogoríbóllá noóilé aage óiye dé hiín maássus nogoríbóllá kucíc goríábá. Kessú maincé oinno losora óo no goittó saa. Tuañr honó diín zodi garir hádésá óiyedé óilé, tuañttú garít boítí dhor laibó, ar ze zagaat tuñi duk faiyó híyánót dhoóilla oinno zaggat zaiti óo tuañttú dhor laibó. Kessú maincóllá oinno manúic loi taalukat gorát óo asór foribó. Zinor bou, fuain noóilé oinno manúiccór fúñati tákáyo mockil óibó.

Basonor kucíc ekkán kuduroti torika, lékín kessú mainccóllá basibár kucíc dukkór yadoré aaró baráidé.

Tuañr gaayé buzédé tuñi dhoror haálotot asó

Mockil mamala oói bade tuañr gaat ehónó kessú óibó boli sinta gorát tákó. Tuñi nize zanoode tuñi ekkán maáfús zagaat asó, lékín aage óiyedé hendilla abáro kessú óibó bólí dhore tuañr gaa toiyarit táké.

Gaagánót becí thaimot aage óiyedé hiín monot rakédé hétolla bouít doóilla ocúidá óibó. Sintaye, gaar gusso doró ówua, behózomi noóilé matar doród óibó. Zehón gaat endilla ocúidá óibó, maincór háñcí kúcít forók fóribó ar guiccá óibó. Aagor doóillá monot rakítí mockil óibó ar oit faré tuañttú bálá góri díyán dítí óo mockil óobó. Gúm zaití mockil óodé híyán normal. Gúmmót foitti mockil óibó, noóilé raitta bar bár seton oói zaibó.

Tuañllá zindigit fotti dín beggún tíkk aséfán noó láibó, oinno maincóttú duré duré aséfán láibó. Tuañr bouít dukkór tojruba tákíle, tuañr gaiyó besút ói táaibó.

Duc – ekkán aám ulda asór

Taajuppa ulda asór ówuár fore nizoré duc diya ekkán aám óidé ulda asór. Ulda asór maahóullóllá buzítí becí mockil. Tuñi nizor duic asé bólí buzíbabá, nizoré bálágóri kíyal nogorá ar oinno oinno nizor dákór manúiccóré kíyal noógóré bólí sinta goríbabá. Bálágóri díyán doo nai, mosíbotor icará buzí faro nai bólí nizoré duc dibá.


Oinno mori giyóudé manúicór dhoil nomorí takallá nizoré duc dibá. Máaní zíín óiye hiínollá nizor zimma accíl bólí sinta goré. Kessú manúc duk homi noo zagóidé hétóllayóu nizoré duc de. Bouít manúic nizóollá becí hora óizá ar nizoré golot sinta goré, ziyánózzóríyá nize fottídín gorédé hamot asór fóré.

Tuñi nize ki gorí faríbá

Fottí ekzonoollá ki goillé gom óibódé héndílá honó aásán torika náai. Tũañttú nize sinta gorí saá fóribó, ze háalottót tuñi asó hé háalottót tũañttú ki laibó. Lín hodún bebastá zínór fáaidá fáiyédé tojruba asé:

Nizór zindigré waapes kontróul goró

Nizor zindigi ar maásusóré kontróul górár fottí ekkán mehénnot zoruri. Foittí ekbar nize fáisélá gorí faille, nizor izzot ar daam asé bólí buzíbó. Fottídínot cúñçó cúñçó fáisélár zimma loon, mesál tuñi baaré hoññte áiba ar zaibá, noóilé har fúañti kofí háibá, híin cúñçó sóyí kodom sóyí rastat. Monot rakíyódé, dukkór hotá abar monot foilléyó tuñi waapes dukkót nozáibá. Monot rakódé ehón tuñi e din e zagat asó. Máasus gorodé híin agor hotá, ehón tuñi cántizzagat asó.



Fottídínór nizer adot banáiyó

- Zeddúr mumkin niyom mozin hána háibá.
- Córáb há hom gorídó noóilé kontrouíl goríábá.
- Furafuri aramgorár niyom mozin kucíc goríábá.
- Gaar lorasorat cámiíl oibá.
- Lorasora, fuainloi kéla noóilé baaré niyom mozin áñitto záiyó.
- Nizollá mockil ókkóllóré homaibóllá ekkán cúçó goul rakó, mesál fémlít ziín goró hiín niyom mozin gorár kucíc goró.



Nize maásus goródé hiínóré kíyál goró

- Nizor ferecaniré buzíbóllá thaim ar ejazot do.
- Nizor masussóré zendilla asé héndíllá kobul goró.
- Mesal hísafe tuñi becí guiccá ói tuñi oinno honíkóré nuksan goríbádé heén noó. Nizoré kontroúl gorí nofarón maání tuñattú nizor uore kontroúl fúrai zárgói ar tuñi fool óizaáibádé heénó noó. Nizoré modot saará maásus goroón maání tuñi modot saará noó.
- Yaar aage tuañr mosibot ar ferecanir thaimot zínózzoria fáaida fayó hiín estemal goró.
- Fémlí lói, dustó noóilé ze manúiccoré tuñi mahafúz buzoó hiín lói taaluk rakó zodi mumkin óoi.
- Tuañr laráir tojruba ar ulda asórór baabote hotá hoón zoruri. Tuáñr tojruba ar tuñi biccác gorí fáródé mainccóttú ki cíki faizzo hiín oinnozon loi cíyar goóillé fáidá oibó.

- Tuñi nizor tojrubar baabote hon maincóllói hotá hóibá hiín húcíáár goríbá. Tuáñré tuáñr hotá fúní modot goríbódé manúicó asé, lékín tuáñré aroó ekélá buzaibó noóilé cúkcak ófan goríbódé manúicó asé.
- Taajuippa mamala ziín óiye hiínózzória tuáñr mordanitó asór fóribó. Tuáñr bou loi hotá hoó. Tuáñrá dinoóznollá hondilla goillé gom óibó mocuwara goró.
- Kessú haálót ókkól, yadgar din ókkól, tuáñr zindigir ahám din ókkól noóilé telivicínnóttú noóilé internettóttú fodé maalumát ókkól dukkór sinta ziyañta gorí fare. Yad hiin boút dhooilla bodhooilla torikaloi ait fáre, lékín hiínóllá toyari taá fóribó.

Zodi mockilgan becí boró hoí

Mockil ókkól ehón waapes aailéoó, monot rakíodé boút manúic héndílá problem loi nizor zindigit kamiab óiye. Ulda asór becí doró ar boro óiléóó, tuñi nizoré sóñlí faille asté asté zaibógói, zodi aaró barilé hónó uggwá zanedé mahér manúic, mesál demakor daktor loi hotá hoó. Tuáñr nizor daktor loi hotá hoó zibáyé tuáñré e mamalat mazé mahér ar tojrubakar daktor hañsé difaçáibó. Hóraf maasus ódde hiínóllá modot tuwon maání tuñi fool noó. Hiínór maání tuáñttú óiyédé hóraf asór hiínóllá tuñi nize zimma loiyóde.

Toyari goróiyá
Zulúm, Sótma óla sab ar húdkúçittu basar baabte
Wasael or Senthar
Mazór Elaka, 2023

Telifún: 72 82 20 05
Taaluk: rvts@stolav.no



www.rvts.no